

Viadi a travers las religiuns en il dialog da maisa

Ina interessanta ed instructiva sentupada ecumena a Cuira

■ **La Plaiv evangelica da Cuira, il Moviment ecumen da dunnas dal Grischun, l'Associazion da las dunnas catolicas dal Grischun, il Post chantunal per migraziun, integraziun e lavur da fugitivs han envidà da curt ad in arranschament cun discurs a travers las religiuns.** Plain mirveglias èn radund tschient dunnas ed intgins umens or dals pli differents pajais sa radunads en la chasa da la pravenda Comander tar ina tschaina communabla. Dunnas da l'Eritrea, da la Bosnia, da la Thailanda purtavan lur vestgìs da festa. Il team d'organisaziun ha declerà l'andament da quest inscunter. En la sala han ins pudì prender plaz vi dad ina da las sis maisas bain decoradas. Las represchentantas ed ils represchentants da las differentas cumanzas religiusas han avert il discurs da maisa cun ina da las suandantas tematicas: peleginar, gignar, urar, meditar, sa vestgir e la rolla da la dunna.

Segns or d'alturas culturals

Ils discurs han gì lieu en pitschnas gruppas. Ins ha pudì sa metter trais giadas vi d'in'otra maisa per la pre-spaia, per la spaia principala e per il dessert. Las spaisas eran vegetarias, la bavrondas senza alcohol e gratuitas. Effectivamain, il stgomi cun persunas dad autras culturas è stà interessant ed enritgent. Dumondas e repostas sa referivan dal tutfatg al mingadi e na tangavan betg ils principis da la religiun pertutgada.

Behija Hadzic da la Gruppa culturala islama da la Bosnia ha accentuà l'impurtanza da la dunna sco mamma. Sco dunna da fatschenta saja i difficil per ina dunna. Damai che la Bosnia saja stada comunista fin en ils onns navonta hajan tant dunnas sco umens stuì lavurar sut las medemas cundiziuns. Ses um e ses figls gidian ella en il tegnaichasa. Oz portia ella voluntariamain ina cuvrada-chau cur

ch'ella giaja or da chasa. Ella sa sentia simplamain bain uschia, cun fanatistem n'haja quai da far nagut. Lez saja da donn per la cuminanza da cardientschas sco quella a Cuira. En l'Eritrea saja la dunna tar ses uffants, pli tard sco tatta u nonna, ha raquintà in giuven oriund da l'Eritrea. I na dettia naginas canortas d'uffants or daifer la famiglia.

Vestgadira tradiziunala e meditaziun

Yanooja Raguraj da l'Uniun dals Tamils hinduists ha raquintà da ses costum festiv. El sa cumpona adina da trais parts: chautschas, vestgì e schal. U ch'ins portia

il sari, ina taila che mesira fin otg meters. Quel vegn zuglià a moda prest artistica enturn il corp e fermà cun ina guva da serra vi da la blusa stretga e vid la rassa suten. Tant il vestgì sco il fittem han ina muntada ed ina tradiziun. Ins n'enconuscha betg pli il sport da mattettas. La scolaziun e furmaziun professiunala èn dentant impurtantas per pudair lavurar pli tard en ina professiun, di *Chanasita Jäger* da la Uniun da dunnas da Thai. Ella è buddista ed ha intermedià als preschents ina curta intermediaziun en l'art da meditar. Seser sidretg u star agradsì sajan premissas impurtantas per ina buna respiraziun e per la concentraziun. Uschia

possian ins renovar las energias, mitigiar ils mals e purifitgar ils patratgs.

Curtas rundas da discussiun

Las rundas da discussiun èn stadas curtas. Ellas han dentant cuntanschì lur finamira: la cuminanza. Las simplas decleraziuns davart ils rituals pratitgads en autras cumanzas religiusas èn stadas persvadas damai ch'ellas sa basan sin enconuschentschas saviaivlas. La simpla mirveglia è sa transformada en il decurs dals discurs en chapientscha e stima. Las dunnas cun ragischs en pajais lontans han accumulà la serada cun ina amiavladad nunimitabla. *Elisabeth Bardill/mc*



La plevonessa Christina Tuor-Kurth da Surrein (terza da dretga) en discussiun cun dunnas dad autras cumanzas religiusas.